





周
遂
鼎

圖
款
識





鼎圖

庚子三月正初吉王
 唐御命个所王各于圖
 立南顧後時甜人朋
 立中師師以王王中
 後時甜止廟食自祀皇
 考於

革亂陳之民不顯股貞吝于戎
工經獲三才種作馬教于涿
世陽出邦析首音鋒器早一
是乙失六書史令非衆不
三失失市末黃齋作政圖日
失乎用生用政好異年引亂

鼎欵

二



道光甲辰夏五月得遂啓謀大鼎周宣王時物

也因置之金山以垂久遠作歌紀事用新

城西 王西樵焦山古鼎歌元韻

葉志詒

我生嗜古勤搜索左右羅陳殊卓犖岐山有客攜鼎

來神物乍見緣耕作壬寅春二月陝西岐山縣城其北榮湯村史姓耕地得之

文百有卅四字載紀元戎刊蠻洛命汝帥師遂啓謀

嘉績用張達陞閣經維四方實乃功徽猶博伐邊陲

愕折首六百執五十先行威震軍聲樂十有三年正

月吉史減冊命賴貝博作廟作器薦馨香乘飾服飾

褒鷹鶚想像宣王中興年桓桓撥亂如摧穰石鼓著

辨徒滋疑自來言石鼓者迄無定論歐陽集古錄尙不免有三疑之說今得此鼎相印證確知

題詠

爲周宣王時物也銅盤取証足相酢先是戊戌歲郿縣禮邨田間溝斥中掘得饒季

子白盤是十二年正月丁亥作與此鼎銘文極相類方今偃武際昇平寶鼎一

出光巖壑求珠何幸值因緣懷璧從來戒貪攫吉卜

合付名山藏浮玉差峩江流錯摩挲傳誦詡遊人典

守呵護憑海若焦山之鼎閱四年銘文九月旣望甲戌是宣王十六年

月十六日九伯仲相望慰落窳見聞詫茲希有珍注經

校史羣攻錯西樵元韻重因和韻姑仍之煙雲過眼如是觀萬古

光芒燭高廓

周遂啓謀鼎攷

葉志詵

古大鼎一體圓雙耳三足鼎口外緣作饗饗文間以雷篆足亦列饗饗形弦文以建初尺度之高二尺四分耳高五寸闊六寸一分口徑一尺九寸四分腹圍六尺五寸重古權三千六百三十一兩二錢五分篆文十二行百三十四言刻腹內牆居中其辭曰佳惟十又三年正月初吉王在周郟昭宮丁亥王各格於宣榭卽立位宰顓遂啓謀期入門立中廷侑祝秉鄉王呼史減册命曰予令女帥師仰有工功錫女賴貝遂啓謀作廟享祀朕皇考致叔寶尊彝不丕顯啓揚武于戎工功經維四方博伐玁狁于洛之陽相刊折

題詠

首六百執俟五十是以先行書史令錫乘馬彤矢赤芾朱黃轡旗攸勒其央錫用戎用政征獬萬年永寶志詵案此周宣王北伐酬庸所作器也先是五年夏六月尹吉甫帥師伐玁狁至十年後始告成功遂啓謀亦當爲帥師之臣十又三年正月初吉丁亥友人鄭君復光本竹書周正宣王元年龍集癸酉推得十三年乙酉正月庚辰朔初八日爲丁亥夏小正丁亥萬傳丁亥吉日也禘于太廟禮曰日用丁亥少牢饋食曰來日丁亥故彝器言祀事者多有之宣榭杜預魯宣公十六年宣榭火注講武屋公羊穀梁皆言藏樂器正義引服虔云宣揚威武之處然凡言格者假

廟也是宣榭亦當爲享祀之地下言卽位祀畢始卽位耳宰頽史滅厯官最久二十二年作刺敦二十八年作寰鼎寰盤尙有其名遂氏著姓風俗通云舜後箕伯直柄伯戲中衰商封之于遂路史云嬀姓後一云遂子國齊滅之子孫爲氏啓謀名與莊子榮啓期同侑祝秉鄉謂詔侑之周禮大宗伯鄭注王將出命假祖廟立依前南鄉饋者進當命者延之命使登內史由王右以策命之降再拜稽首登受冊命以出侑者延之使登之義也賴貝賴贏也宣和博古圖父乙鼎注言錫貝之多也鼎器而言尊彝者古人銘言皆連及之辭享祀必飲食備具尊以該飲器彝以該食

題詠

三

器耳經維四方卽詩江漢經營四方淮南天文訓注維度也廣雅釋詁注營度也皆以度訓其義同博伐獾狁呂覽上德注博者大也毛詩作薄傳言逐出之而已正義曰不言與戰是以薄訓輕此則有折首執僎之文可以糾經注之誤于洛之陽張君穆詳診地望定爲今甘肅慶陽府合水安化二縣境義極精確相刊相敵也說文刊剗也竟鼎有相刊及身之辭折首六百較多于號季子白之五百耳僎卽繫也淮南本經訓僎人之子女注與繫囚之繫同是以先行詩六月元戎十乘以先啓行薛君章句曰陷軍之車所以冒突先啓敵家之行伍也乘馬馬四匹也周禮夏

官圉師鄭注云四馬爲乘彤矢該弓而言說文彤丹飾也尚書大傳曰以兵屬于得專征伐者賜弓矢赤芾黃朱芾也詩斯干鄭箋諸侯黃朱言其淺也朱黃黃橫也通作衡玉藻赤芾黝衡鄭注佩玉之衡也鑾旗廣雅釋器鑾鈴也爾雅講武有鈴曰旂詩載見龍旂陽湯傳鈴在旗上也攸勒卽幃革說文鑿鑿首銅爾雅鑿首謂之革注鑿靶勒也其央卽央央之義詩註鮮明貌錫用戊禮賜鈇戊然後殺政與征同周禮小司徒施其職而平其政注政當作征是矣余收輯古金文字冊有餘年竊幸近今所出較歐趙見聞爲多得以徵文考獻拾遺補藝獲此寶器實酬素願然

題詠

四

不敢私有懼或失墜因置之金山以公同好旣作歌紀事復爲攷證於左黎光曙案黃長睿東觀餘論以其可尊而爲法曰尊彝以其陪貳而非正曰從彝其實皆鼎也據此則鼎亦可謂之尊彝

次原韻

陳慶鏞

在昔歐薛工探索羅列鐘鼎文駸瑩近數邗上積古
齋古物大半商周作漢陽葉氏亦好古得鼎不數宛
與洛古人酬功命作器不須圖像凌煙閣命將出師
伐獫狁折首執僂酋豪愕軍將爲誰遂啓謀士卒梟
藻謹聲樂詩誦吉甫先啓行薄伐奏膚功最博更有
周盤紀號季軍勢捷如下隼鶚整居焦穫及鎬方三
將齊力風掃稷歸來飲至同策勳應與張仲相酬酢
王命作鼎祀致叔鼎口緣外腹如壑其外刻以雲雷
紋古色斑斕饗饗攬銘文百卅有四言十二行欵數
參錯斯鼎鑄自宣王時亞形無數召與若史泮册命
史籀文千載神物出芴冥聞將昇置浮玉山寶物直
與焦巖錯吉金螭文竝千古耿耿精光照寥廓

題詠

五

次原韻

徐渭仁

光宅寺前辨鐘索古文奇字窮駁犖尊彝篋篋羅高齋著書已到古人作函牛大鼎來西秦鑄詞百卅紀征洛吾公得之不自寶作詩勝送華嚴閣蛟龍掀騰佛懽喜罔象刻畫鬼作愕前年兵戈大騷擾此山無害稱極樂况與無專及陶陵焦山有周漢鼎吉金相望亦云博世間廣鼎不可數百鳥喧噪慚一鷄煙雲過眼如是觀問誰能保實秋稴公也寓意不留物考文徵事供酬酢鈴山一德豈無人大力終難負舟壑我宗統季銘功盤深藏不爲人所攫篆文百十最精特與此兩器光叅錯浪言大物世不並詎有寶鼎邢尹若安

題詠

六

得輦置化人居古物羣聚不寂寞證以攻車六月詩宣王獵鼓原無錯譬如江漢到海合回首岷峨振寥廓

次原韻

王筠

東卿先生窮墳索掇取精純挑駁瑩西周古鼎偶得
之鈎奇索隱欣然作韓蘇石鼓漫稱奇此詩端應紙
貴洛拓本常存鄴侯架其器不留子雲閣神物自當
歸法王坐使貪夫皆驚愕能令此鼎萬古存不私一
己心所樂東坡玉帶鎮山門此乃理大物尤博金山
古器雖纍纍驚百安能如一鶚一鼎挽之九萬人我
欲前馬掃途揮雲旗仿佛集羣真擘麟相賀勤酬酢
謂如嶽奇磊落人此子本宜置邱壑夜來光芒萬丈
長山精次且不能搜卮匱小器猶難儕安有雁岑得
參錯高齋古器原富有將此奇特光蘭若東望焦山
之周鼎其光相射非寂寞小子未能辨跟肘名斗甯
識眾星錯但仰先生無我懷一洗此心歸空廓

題詠

七

次原韻

王柏心

深山鼎螯誰能索負之當遣圉人犖按銘實賚遂啓
謀帥師有功告廟作周自宣王稱中興大蒐岐陽會
東洛當時石鼓文最奇下掩嶧山與郟閣北逐獯豸
城朔方邊庭無事靜不愕戎車六月旆中央采芑新
田戰士樂君臣脩政攘四夷朝廷威德至廣博啓謀
才亦方召儔奮擊直下秋天鶚折六百首五十俟迅
掃疾風卷敗蔞赤芾彤矢歸策勲頌之彝器盛酬酢
勒銘不朽昭膚功何年轉徙閔邛壑詩老好古偶得
之性與巧豪異爭攫萬本摹搨繫歌詩疏證傳注訂
舛錯持此至寶留金山永鎮江神夸海若焦山有鼎
遙相望盛事差可免索寞中宵光氣高燭天南箕北
斗共交錯令彼百怪盡懾伏萬里滄溟靖寥廓

次原韻

韓韻海

儒生汲古讀邱索歐趙按奇尤卓犖當肯十鼓已驚
絕史籀遺文能間作岐山之氓拾文字博伐犬戎至
於洛轡旂攸勒錫汝謀入庶冊命敝重閣雲雷紛紜
字崛強蚓結龍伸刀施愕摩挲識是中興年永保馨
香蘼嘉樂海雲堂中南仲鼎二百年來引稱博箋注
最精詩最麗朱氏彝尊厲氏鸚未若茲鼎當晚出眾
論一掃如解擗乃知奇事必有偶合之兩美互交酢
二王咏古鼎在康熙乙巳距道光
已凡百八十年先後因緣若合符節主人達觀聚散
理以光紺字飾幽壑鈴山書生老無賴炙手勢焰喜
豪攫豈知神物歸淨土得見震南資鼎錯江流淼淼
時雙闕從此金焦兩相若避生性癖愛奇字摹金樞
石甘寂寞願拓萬本傳万口槩敲尊彝共廟錯他時
京口訪歸舫試向江天問清廓

題詠

九

次原韻

黎吉雲

虎坊高齋恣探索

公都中寓廬在虎坊橋

尊彝燄列光卓堦阮

琅嬛館翁蘇齋惟公接踵有述作邇年周鼎來秦塞

如馬出河龜見洛避垢宵歸鈴山堂後時未入丹楓

閣

漁洋所咏戴氏鼎詩丹楓閣中物也

我公得之急傳示小儒環觀各

駭愕憶昔共和攝政年鹿鳴詩廢缺和樂

詩六月毛傳鹿鳴廢

則和樂缺矣

周宣命將伐玁狁桓桓十乘戎車博翠嬀後

裔颯爽姿萬里盤空看鵬鸞焦獲鎬方遺孽盡疾捲

長驅掃秋薶册命作器垂永久報以介福壽攸酢至

寶秘惜劍霾塵大力抗搏舟謝壑徵文差免三亥譎

公世豈虞六丁攫細思物理曷尋知巧麻鉤稽迷綜

題詠

十

錯公今喆嗣樹膚功盛典酬庸

天子若豈非符瑞發山川神物先期出芴窳信與同

時獵碣尊允宜作鎮名山錯

楚詞天問九州安錯註錯厠也

并傳七

十有二代萬古光芒巨廖廓

次韓文公石鼓歌韻

宋翔鳳

葉公嗜古得周鼎遠寄拓本兼詩歌銘詞百三十四
字倉史不作當如何能從古文釋意誼漫使徒隸矜
矛戈土花一洗盡發露吉金自昔難消磨王在昭宮
格宣榭成周舊迹還按羅宣王六月伐玁狁中興功
績誠巍哉自從小雅載篇什上承棫樸追卷阿龐然
此鼎出田野亦有神物護且呵按文考事正相應更
紀年月知無訛減冊命後寶彝器遂啓謀名識籀蝌
其辭質實理周而正聲如鼓逢逢鼉于洛之陽驗水
地箋疏空復岐枝柯慶陽兩縣得其境豈使東西如
織梭銘詞于洛之陽考在甘肅慶陽府合水安化二縣境最確詩薄伐玁狁至于太原疏家以漢太

題詠

十一

原郡當之顧亭林駁以豈有寇從西來師從東出之
理余考定詩書春秋之太原皆在雍境別有文以明
之始知太原卽太鹵說經詎可相委蛇曲臺徒記銘
孔悝叟詞莫贊碑曹娥吾生未得耑祜術欲推年歷
空嗟沲兢兢抱孱守史記疑年但冑存共和竹書後
出大難信四分三統終殊科以法上求亦可合翦裁
遷就則已多自憐衰晚困南國餘生未得摩銅駝焦
山金山峙江介歸舟卻想重經過焦山一鼎三百載
往賢久已同磨礧云致金山配焦鼎中流不患驚風
波請摹雲雷辨饜餐仍度圖經平偏頗還當什龔局
重鑰俾知貴重防有佗康瓠瑩滑今所寶古器磊落
非妍耍况復模黏半奇字誰能苦意來摩挲公有清

風表往迹一篇賦就堪高哦吾今相別逾十載猶斂
翅翩隨雞鵝沉湘已從學楚些清廟難望賡猗那他
年儻得返初服更訪兩鼎忘坎軻願將曲學補大義
思通斷港歸長河致書珍重意不盡千載自有母蹠
跣

題詠

七

用坡公石鼓歌韻

焦友麟

歲惟戊申月建丑好事初聞漢陽叟

余於去年十二月至金山始見

此人間神物不敢私百斛龍文扛以走置之浮王之

高峯留與江南傳萬口作鎮應居蘇帶前紀年豈在

無專後

焦山之鼎後此四年

自從宣和盛搜括良冶世已無鷗

九沿譌踵謬豕渡河隻見旁推魚貫柳獵碣爭摹岐

陽鼓賸金誰辨甄邯斗招搖入市總迷目矯飾捉襟

終見肘紛紜瓦礫混珠玉蕪雜禾苗間藜莠葉公好

龍真龍出卓識獨尙千載友雷回詰屈舄饗鸞鸞鳳

威儀笑鶉敦陸離彪炳足有夔籀篆縱橫尾生虬憶

昔周宣刊蠻洛薄伐威揚及胡耆糾桓將士虎同闕

題詠

三

馴伏戎夷葵等喉告于文人錫圭瓚紀用太常頒鬯

貞薦廟馨香格祖考中興事業蓋鯨腹我來訪古金

山寺寶氣光騰此山樓摩挲鳥蹟讀銘字古穆淵深

訓詞厚十有三年日丁亥王在昭宮召史某曰惟嘉

乃遂啓謀帥師之上惟女有折首六百奮戈矛執倭

五十陳鉗扭方今四海歌晏樂猛鷲榴榴靖天狗載

頒蒲穀紀功烈生申及甫肩比偶賞延孫子酬帶礪

臣服遐荒咸頰首巍巍銅柱標扶桑淮西之碑誰敢

掎此鼎無乃久通靈重器來歸兆有取金山之下江

水深一爲從前洗汙垢先生觀物真達觀善捨由來

知善守世間百物有顯晦惟有功名不速朽吁嗟此

鼎遇合奇從茲永並山河壽

題詠

十四

潘世恩

岐陽十鼓文瑰奇輝映吉日車攻辭陋儒辨證徒紛
歧永叔不免有三疑豈知神物合有時寶鼎新出岐
山陲雲雷饜饕紋參差百卅四字光陸離曰遂啓謨
汝帥師銘功酬庸禮亦宜用錫彤矢兼鑾旗葉君博
識世莫窺一一考索無闕遺願公同好不敢私江山
勝地永護持尅日移置紀以詩中興賢哲天所貽方
叔吉甫相追隨一時才俊供指麾竹帛所軼留尊彝
觀者宜動晞古思令名庶克千秋垂崧高遺意儻在
茲豈獨篆法超冰斯

題詠

五

張廷濟

平安館中周鼎獲十有三年唯正月宣王中興揮天

戈功成獫狁既薄伐錫貝作彝遂啓謨吉甫將母同

用戍用戍或即無專之鼎焦山尊此前三年應曰甘泉

羅若香土琳以三分周術又證以漢三統術推得無專鼎九月既望甲戌爲周宣王十六年九月之十七日

漢陽耆古古成癖集錄直過歐趙劇不私所有藏

之山此意尤於人超越金山眈眈雄淮南不比焦山

人絕迹鎮山只欠姬周金數典未免此典闕我閱年

華幾千百劉蹶贏顛駒一隙何惜爲君更行役秦嶺

吳山誰主客勞君刻畫寵君文曰勲曰多等竹帛玉

帶今作忘年交君與眉山已聯璧江濤滾滾水天碧

題詠

六

石 德雲臺高此安宅期君他日溯江來不數山樵一片

凡物顯晦皆有時空山埋沒無人知己越二千六百

載周宣王十三年計至道光二十一年一朝出土何神奇

鑄鼎象物昉神禹流傳模範前王貽周室數傳勢浸

弱共和虛位尤凌夷宣王中興復朝會獬狁薄伐興

王師十有三年日丁亥臨軒爰命臣啓謀令女帥師

寄心膂嘉乃丕績安置陞折首六百俟五十四方戡

定資經緯史滅作冊錫賴貝彤矢赤芾朱黃旗銘勛

此鼎示聖武萬年永保子孫宜筆畫波磔變蝌蚪文

字鬱律盤蛟螭字百卅四行十二細鑄深刻昭來茲

憶昨太原敵孔熾棲棲六月戎車馳新田采芑軍食

題詠

七

足執訊獲醜蠻荆威吉甫方叔爛勛業詳載吉日車

攻詩三臣先後同被命姓氏何獨謳歌遺豈曾轄軒

備採錄一經筆削刪宣尼篇章雖佚物自古定有真

鑒無游移滄桑屢易棋局換星野不改輿圖披鳳翔

罷治古周索高山天作連梁岐元氣暗藏夜光炯精

神顯露晨熹微榮湯地畝正耕作羣然駭愕拋鉉錡

掘將九仞泉乍及扛以十卒繩難施得寶傳呼告里

長聚觀評論忙村耆吾友葉君號博物金石癖嗜庸

人嗤早聞異事出關隴遠雖莫致心神怡誰負而趨

誇大力載以薄笨來京畿初入風塵見磊落乍安階

屺無傾欹祇應苔蘚畧洗剔何待沙石相磨治顛趾

折足占幸免百靈呵護完無虧字該二篆文二雅三代法物非常規顧絳韓洽全祖萬斯沿臆說堪證石鼓祛三疑餘考經傳兼訓詁一一註釋泯參差我聞定鼎始邲鄘卜年卜世周開基汾陰雲蓋歌漢代天子備禮遣官祠方今

皇道正炳煥崇文宣武舉隆儀黃鐘大鏞在東序商盤夏珪陳丹墀昇平幸際寶鼎出懷柔河嶽歆神祇重器自合獻廊廟未甘寂寞滄江湄時將移置金山寺何不
上書移太學千秋石鼓同昭垂

題詠

六

葉公嗜古尊家學金石攷證尤淵博鐘彝敦卣盈座
隅神與古會富著作物聚所好遇合奇爭詔有鼎出
函洛何年棄置塵土中收斂精華屈尺蠖地靈不使
終沈淪村農得手藉耨鐫商賈視之不足珍列等平
常舊鐵鑊傳聞歆動好古心迢遞關山駝載橐虎坊
橋南欣快靚雲素先生舊置住它在都城虎坊橋晨夕摩挲考据確體
圓耳雙外飾紋雲雷緣口饜餐腳分寸銖兩高下間
古尺古權細量度百卅四言十二行腹內有文妙鐫
鑿銘古篆古姓俱古遂氏譜系殊落落紉繹博伐獵
狷辭定爲周鼎良不錯聞昔宣王稱中興六月車攻

題詠

九

振積弱宣威耀德近十年嚴翼膚功靖戎幕先後命
將匪一時不獨尹方宏遠畧啓謀亦是虓虎臣帥師
堂堂崇子爵遂國今山東鉅野縣境子爵見姓氏譜宣榭格廟鑄重器
神明臣工交酬酢乘馬矢芾黃轡旂央錫子孫永燕
樂吉甫方叔入詩章酬庸當時皆煜爚對揚寵錫佚
紀載歲月深久物銷鑠卽如大狩刻石鼓尙棄陳倉
任寂寞厯秦漢魏無賞音唐賢補缺費搜索此鼎胡
爲獨完好土花銅青暈斑剝一旦呈露煥星辰僻姓
舊勛自表褫葉公暢懷歌得寶鼎兮鼎兮欣有託更
欲公好置金山詠吟賤注本先拓拓本捫之走蛟螭
鬱律無虞快劍斫我歌古鼎起長歎古人名蹟知何

若文字之祥昭旂常典冊高華榮史閣秦火燼後遠
無稽拾遺想像多暗摸安得盡如此鼎顯人寰永壽
名山輝巖壑

題詠

三

葉公好古得周鼎要我共賦周鼎詩鼎高二尺有四
分百卅四字其銘辭是爲周酬宣庸器勳臣遂氏名
啓謨考古遂國舜之後實與媯姓同本支帥師有功
史册命南仲吉甫相等夷當時外患有獫狁內侵厥
勢殊猖披宣王中興奮討罪詩云薄伐吾則疑此鼎
篆文作博伐博義訓大真王師請援鼎文證經義乃
知傳注徒支離折首六百執五十殺敵致果宜若茲
方今

聖皇御六合好生之德如天慈島夷梗化雖就撫武
備修舉毋忘遺寶鼎之出似有意丕顯揚武彰天威

題詠

三

丕顯揚武
本銘辭

天生良將儻預兆遂啓瑞應符昌期置之
金山大得所豈獨懷寶無敢私體尊神物鎮江海祥
徵重器綏蛟螭崇鼎貫鼎應伯仲陽鼎陰鼎疇雄雌
君不見古鼎無獨必有偶從此金焦兩鼎光燄萬古
常昭垂

黃培芳

我渡金山不得泊風利遂過松寥閣焦鼎徒見西樵
詩金山闕典何落窳漢陽葉公富金石曠代趙歐今
復作道光甲辰夏五月得遂大鼎形模拓啓謨執倏
丕顯揚周宣酬庸洵卓躒年惟十三信足徵篆銘十
二辭渾噩金山移置永厥傳成周法物欣有託古器
奚止儕無專殘碑並詔高壓鶴獲鼎禎祥兆作求世
德相承功更博屏藩開府來粵東寇公北門固鎖鑰
鯨鯢遠服萬里洋帶礪榮分五等爵鐘鼎銘勲事豈
殊瀛壖勒頌歌同樂請君試看題鼎編午夜光芒起
鋒鏑

題詠

三

岐陽盛業留石鼓周宣大烈垂中興數千年復得古
鼎銘功紀事詞同偁蘚痕斑駁字完好以證石鼓洵
足徵十有三年正月吉王格宣榭享祀承宰頤史減
咸效職遂啓謀特戎功升于洛之陽昭博伐折首執
僎遐荒懲經維四方楸助績太常紀載歆嘗烝錫女
賴貝命作廟立廷受冊方延登尊彝用賚子孫寶彤
矢赤芾典有增鼎載君恩逮祖考馨香牲體榮升喬
摩抄款識動襄古攷證奚取繁詞矜石鼓三疑徒著
辨歐陽董馬訛相仍紛紛異論遶空似先秦宇文均
無憑此鼎一出獲左驗西周法物疇堪朋先生嗜古

題詠

三

富蒐輯据經攷史非虛誣號季子槃况相類實事求
是期傳騰千秋至寶不肯祕名山絕勝藏緘滕寒江
雪浪聳浮玉雲局安帖離榛芴郵書遠道致翠墨快
飽眼福欣蒨曾焦山鼎亦出姬氏行見兩兩虹光騰

遂啓謀鼎成周物耕氓得自岐山麓冶雲聯綴間丹
黃雷篆縱衡澀朱綠錫用賴貝仰有工百卅四字文
可讀宣王十三年乙酉博伐師旋蠻洛服折首六百
俟五十王在邵官史侑祝爰呼汝滅作冊命丕顯成
揚祭受福朱黃轡旗予忠藎芬苾尊彝延式穀中興
厚德紹文武先行戎工亞方叔沈薶朽壤幾千載輦
致都門閉函檣東卿先生欣得之考證遺文逮邦族
先生疇昔官南宮石鼓摩抄日三復獲此益證字文
誤釋疑可補歐陽錄欲公同好藏名山京口江心峙
浮玉留帶合與坡公同藏器毋使焦山獨往者幽妖
煽海氛鞞風四吹山鬼哭方將鑄鼎象神姦底用貢
金咨岳牧川靈睎陽同護持厝人撫榻相傳屬海門
蛟鱷不敢窺夜夜神光兩山燭

題詠

五

蘇廷魁

黃雲蓋地吐金景榮陽村氓歌得鼎先生移上金山
中海門留鎮蛟鱷屏緣身饕餮雜雷篆饜腹膨腴誰
泥濘惟十三年正月吉百卅四字光炯炯酬勲者誰
遂啓謀史減冊命規概梗博伐獫狁功在廟洛陽太
原證郊境同時子白盤有銘盤出郟縣與鼎文畧同
皆紀周宣王北伐時事
中興將帥錫寶並焦山之鼎早著錄見王漁洋
池北偶談兩山
對峙爭彪炳但知懷璧良足嗤若論供佛猶聽瑩先
生位置有深意過客摩挲得猛省子孫永寶誠何爲
要使方名思齊騁卽今島嶼伏魑魅一振箕裘海氛
靖喜看圭卣出

題詠

孟

彤廷自詒頤養足羞艇乃知神物爲時出吾邱辨難
非妄逞休明重器奠河山豈與伊蒲作孟皿

彭蘊章

古人作鼎紀功惠壽如金石傳無極遂啓謀鼎古不
聞岐山城北今始出兩耳三足完且堅饜饜文環潤
如漆其高二尺強四分其徑尺九量繩直以權準兩
重幾何三千六百三十一腹中古籀十二行百卅四
字鐫其側曰王在周之邵宮十有三年正月吉丁亥
乃格于宣榭侑祝從王廟門入啓謀帥師我武揚冊
命史臣減載筆博征獫狁洛之陽折首六百執五十
錫之乘馬彤矢張朱黃轡旗加攸勒利用征伐享祀
宜子孫永寶銘詞畢觀茲篆法類籀文測算甲子窮
奇劫年推乙酉本竹書丁亥爰知是八日周宣中興
歌出車元戎十乘威九域方叔召虎壯其猷啓謀功
烈何無術應與岐陽石鼓文千秋疑信雅詩逸快哉
此鼎出荒原鐫文未使土花蝕陳列几案光態熊摩
抄點畫狀疑疑歐公集古金石富先生博物古鼎得
乃知物常聚所好天工呵護非人力無專之鼎鎮焦
山周宣時物今無匹此鼎置之浮玉巔兩峯相望江
南北漂流百戰幸同存頡頏千載非孤立寶氣應千
牛斗邊雙虹夜夜清波吸

東卿先生大雅才博學好古多文辭搜羅金石四十載抗懷直欲追皇羲今夏新得西周鼎君爲宣王臣啓謀銘文百四十三字一一考証無游移古歛鄭子擅絕學厯算能究諸家歧竹書史記差一載紀年紀日非參差遂令二千餘年久恍若日昨數可稽慨自膠舟沈漢水姬室漸爲蠻夷欺夷王下堂厲奔玃玃狁內逼侵京畿儻非中興有令主東遷詎待悲龍齧宣王憤怒天戈麾不憚六月躬行師駢駢四牡載常服烈日照耀天王旗其時鎬京積弱久羣臣安必無狐疑唯王赫然奮威武躬行決策無稽遲王于出征

題詠

七

乃實紀豈僅吉甫總戎機

爾雅于往也王于出征昔賢謂天子親征之事以

茲鼎銘覈詩雅事蹟相距八載期彼爲親征此命將臣主豐烈千秋垂告成功乃格宣榭史滅宰顛相奔馳册曰遂氏師有功錫女賴貝寶尊彝乘馬彤矢暨赤芾朱黃攸勒逮轡旂皆銘中語萬年永寶示孫子征伐毋隳前人規摩抄遺跡足徵信令我懷古深長思

皇朝武功邁萬古海外窮髮胥來歸我

皇智勇本天錫青宮曾定蕭牆危鐵蓋山頭縛夷首檻車萬里頭角摧若與玃狁較難易奚啻百倍前人爲爾丁機宜獨貪冒重洋輦貨求交貨我

皇至仁慎邊費不忍生靈兵革羅中外同仁一體視

暫許市易爲羈縻果其輸誠無他志安用逆億多嫌
猜祇恐非族終梗化自作不靖遭芟夷此鼎壬寅歲
新出或者天爲示先幾逆順從來有至理儻自作孽
胡可違他年執俟并折首正與古事堪相追先王法
物具靈爽名公雅好不敢私欲置金山作永鎮庶焦
山鼎同光輝先生欲置之金山寺中以垂永久我思江心峙浮玉不
獨名勝恣游嬉東南海門實鎖鑰控制內外爲防維
得此寶物繼禹鼎足靖海氛消陰孽况復鴻文具龜
鑑經維四方戎工恢遙知魑魅魍魎輩定驚光恠騰
虹蜺

題詠

天

宗稷辰

焦山勝鼎聞阮公寶氣隱射浮玉東彼以漢隸如周
篆奈何獨使金山空漢陽逸老號耆古精鑿妙賞儀
真同西行人秦問豐鎬遙遙莫睹靈臺鐘耕甿何知
藉神力千載忽出岐山銅聞風遠致到京邑古塵乍
拂精光熊腹詔有辭百卅四宣榭用享揚武功斷爲
中興伐戎落獲醜折首班彤弓司徒南仲競勳勩獵
狃故比徐方隆石鼓羣疑久聚訟賴此足釋浮雲蒙
頃來高齋一摩撫氣清色碧聲穹穹殊無斑瑕貌剝
蝕但覺渾厚含春容減頽啓謀呼欲起想見册命王
廷中江天勝地合移置山門玉帶應趨從狂瀾永鎮
潔禱祿氛煙靜息潛毒龍儀真藏鼎在壬戌閱歲四
十遭焉逢陶陵侍列未顙面茲特坐鎮開鴻濛隔江
拱向神契應雄濤往復朝姬宗人寔韻事喜重關山
中笑倒擘經翁

題詠

三

去年獲讀子白盤金玉鏘鳴騰古驪盤用陽部韻今音節絕古

年又見啓謀鼎光氣燭霄何炯炯鼎與盤並周宣時

月同日同年次之盤十二年正月丁亥于洛之陽伐

獫狁受饗宣榭昭不顯盤銘云然鼎夷然策勛自同

銘後先建鼎文字相出入蓋同時折首五百執五十

况茲六百功誰及盤云折首五百鼎則六乘馬弓矢

錫未央繇旂攸勒茲尤詳煌煌赤芾兼朱黃用戊豈

惟政蠻方盤云賜乘馬弓矢鼎並及赤芾朱黃蠻旂

故子白繼有是命鼎祇言用政蓋四征弗庭不止蠻方矣想其獻馘來洛陽啓謀

子白同先行寅車織旆相頡頏盤鼎同云揚武戎功

題詠

三

功佐王賴貝作廟隆祀高毛詩高皆平聲吉金刻畫垂無疆

子白寶盤觀有光啓謀寶樽彝有常土薶不掩生豪

芒禮邨旣顯隨榮湯宰頽史減同流芳煒如獵碣遺

陳倉平安之館森琳琅鼎來主人不敢藏亡歌遙置

金山岡金山焦山鬱相望無專鼎峙鶴銘旁無專同

是宣王臣鑄鼎銘功遲四年羅茗香考爲宣王十六年啓也昔爲

子白侶今來復亡無專鄰千秋同踞江山勝疏通證

明會有人

陳其銀

周宣神武中興時十又三載勤王師臨軒册命遂啓
謀四方底定勞經維鑄鼎迺作酬庸資因領婁須本
疆支盡殲齊戍斧斤施摧彼獫狁猶枯枝格于宣榭
丁亥祠宰頽侑祝史減詞百三十四詔諸彝二千餘
歲落蘇滋榮湯出土走黠鯨葉翁耆古手生胝解后
獲此珠探驪句梳字櫛同般僊遍持拓本徵歌詩豈
知寶鼎應昌期寔彰家慶登台司將鑄神姦窮魑魍
定兆佳卜非龍虬方今梗化英圭黎螿固豕突尤猖
披

皇仁覆幬示羈縻置吏撫馭非協宜嗣君建節海之

題詠

三

湄洞燭醜虜片瓦羸飛章入

告言無欺

帝曰朕不遙制之剛克柔克惟女爲霹靂一震犬羊
馳不假寸鐵與尺箠陋彼相刊侈顯丕六百折首五
十僊

聖情懽悅恩不訾錫女翠羽光陸離子男同位靡崇

庠宜爾子孫世受釐詎止赤芾揚轡旗道光己酉春

寢優旨嘉獎賜花翎世襲男爵而翁教忠有良規每述

天語恆涕洟鰾儒攷證炫恢奇博薄攸條理無遺神

物顯晦何繇知是曰天瑞非人私海門鑠鑰東南陞

金焦兩點縣娥羲藏之名山氣嶭崎百靈祕惟不敢

窺萬古作鎮潛蛟螭

題詠

三

海門激射朝暎紅金焦矗立雙芙蓉枯木堂空發光
怪周宣古鼎藏其中百尺妙高俯江水惜無寶器輝
琳宮玉帶徒傳北宋物山門留鎮蘇髯公漢陽先生
癖嗜古夢寐時與周秦通平安館開吉金富瓣香上
接覃溪翁西岐一旦大鼎出土花繡澀堆青銅鼎高
二尺耳五寸雷回饜饕誇神工遠道來歸賀得主陳
編昔未收歐洪銘辭百有卅四字王格宣榭嘉戎功
遂啓謀爲翠媯後中興良佐如罷熊統帥六師伐獫
狁先行疇敢爭其鋒天子當陽將用命作廟享祀儀
文隆赤紱鑾旗並鑿勒煌煌錫命酬勲庸姓氏定與

題詠

三

方召伍史策缺載徵無從神物韜沈二千載幸哉耕
出泥沙封賓客集觀詫奇絕盤銘號季同時逢僉謂
子孫永寶用縮綽眉壽傳無窮先生無然曰否否世
事過眼雲煙空浮玉峯高憶京口樓臺四面嵌玲瓏
萬派奔濤勢鼎沸山根有窟潛蛟龍由來壓勝賴金
鐵奇寶合作山靈供南仲司徒不孤立遙遙對峙誰
雌雄不爲己有迺常有世士懷璧眞愚蒙仙館瓊嬛
有故事險麋鼎得皇陵恭喜捨祇園具淵鑒後先一
轍將毋同西樵舊歌備掌故得此椽筆追前蹤我乏
尙功邃父識勉呈薄技慚雕蟲他日歸軼過揚子訪
古更上金鼇峯

厲同勳

觥觥寶物難終藏不隨姬氏歸消亡焦巖有鼎競題
咏鐫劓益見神揚揚陸離盤鬱邁石鼓陋儒歧說空
望洋翠嫵之鼎出何晚岐山沉埋悲滄桑若非鬼神
善呵護殘蝕亦付蔓草荒農人劓得尙完好遲三百
載歸漢陽自口至足列饜餐雲雷周匝騰精光先生
金石富海內朝宗之水流湯湯搜奇直欲過歐薛嗜
古久已羅夏商是誰大力能負到聚於所好非尋常
苔花洗剔吐籀字酬庸匪獨旂朱黃紀年考月咨博
採竹書辨疑尤周詳古今神器必有偶此鼎鑄亦周
宣王王嘉戎功耀我武中興撻伐軍威張銘功不料
後世寶若或使之窮彼蒼胡爲舟載置浮玉不使日
下森琳琅或疑達觀近炫異欲與無專相頡頏吁嗟
先生有深意海上已息氛茫茫縱兆啓謀數輩出吉
金奚事陳

廟堂鎮茲京口永銷刼百靈拱衛

皇猷昌蘇公玉帶葉公鼎後先輝映何煌煌焦仙聞
之應大笑鼎峙足壓鯨鯢强大江以南續韻事千秋
一例同馨香

髯蘇解帶浮玉山風流韻事疇追攀八百歲往一彈
指彭亨古鼎陳爛熳款識中鐫字行列雲雷外飾紋
回環高贏二尺準古度其重六百有五錢吐燄照人
怯捫指釋文上口權開顏一物定邀神鬼護千秋幾
作蛟龍跽幸隨春犁出泥隴恐雜康瓠拋市闔得逢
我公爲拂拭摹拓萬本欣傳觀典奧銘辭百卅四伯
仲小雅篇章間周宣揮戈昔奮起是時天步方阻艱
北伐孔熾平獫狁南征蠢爾除荆蠻煌煌出師競命
將虎臣闕怒虓與虡豈惟壯猷及邦獻方叔吉甫躋
崇班維遂啓謀奉王命沈沈甲冑躬親環啓行元戎

題詠

五

先十乘駸駸四牡馳天閑執俘折首著功績故知嚴
翼興歌桓歸來酬庸例飲至彤矢赤芾王寵頒賞功
告廟周官職宰頽史減辭令嫻侑祝秉鄉呼册命畧
等錫土分茅管勒勳鑄器飭良匠譬構大厦憑爾般
質勝惺銘肆矜伐奇異禹鼎鑱神姦摩挲雙耳憶往
事土暈濃沁苔花斑洛陽遠當涇陽北高平地匝水
一灣言診地望繹經義更知傳注宜從刪子孫寶用
獨秘玩雲烟瞥過空嘲訕移鎮長令安置妥豪奪下
晒收藏慳妙高臺虛日月白大江東去流瀟瀟星移
物換閱人代茲器从人神全完要知神物出非偶將
與公家之丹書鐵券垂不刊

翁同書

焦山古鼎名人著長句最愛王西樵神光炳峙鎮誰

成浮玉闈淡慙松寥焦山有松寥閣豈知神物竟有偶吉金

輦致岐山遙流傳法物源所自中興續紀宣王朝百

卅四言籀文古屈曲壘斗蟠蚪蛟通儒今見鄒汶長

指畫口誦詞無消書傳平準考季月推祜章蒨精五

轡邵宮宣榭致鶻享宰頽史減詳官寮洛陽北伐證

地理吉甫南中勛同高誤棐毛亨辨博薄識亞張敞

通攸肇不私所有見尤廣作金山鎮用配焦差同山

門留玉帶詎數漢鼎賸定陶翻嫌司徒無專鼎辱金

難解冰山嘲鑿邀名流寘名刹我爲此鼎慶所遭更

題詠

三

思京口控形勝水犀蒼兕臨江皋戈船蒙衝歲都試

師武臣力比虎虓啓謀之流方輩出觀此庶念宣勤

勞辟邪足令魑魅伏跋浪長戢龍鼉驕經營四方古

所勛更歷千禩名猶昭請看金焦兩周鼎古翠氣壓

空江湖

潘曾綬

我聞金山號浮玉獲金易名始著錄鎮以玉帶蘇玉
局鬼物搗呵光芒燭吉金亦自稱名目一金一玉珍
奇毓遂氏言鼎出岐麓百卅四字刻諸腹詔辭詰屈
尙可讀啓謀其名媯其族折首執僎元戎收戎工揚
武百蠻肅轡旗攸勒錫車服中廷秉鄉詔侑祝漢陽
得之千金鬻椎拓遺我璆琳幅云欲移之鎮山谷自
來寶物無私蓄焦山古鼎憑吉卜天地之間物無獨
江流漫漫山矗矗鯨鯢潛匿蛟螭伏寄語山僧韞藏
積勿使彝器遭慢贖

題詠

三

徐志導

我丈出鼎形嶮嶮浮雲金景輝乾坤靈光發泄破地
藏文運饕餮苔花昏卅年好古辨真贗銅盤石鼓搜
本原曰維宣王伐玃狁十有三年詳紀元命臣啓謀
舊氏遂覆哉汝往功弗諉作器告廟會厥旨當時策
命言非煩一百三十有四字拂拭雷篆沙土痕慨自
幽埋劫灰冷萬古鬱鬱嘆覆盆寶物隱見今有數秦
漢逮今疇考論維丈見之眼如月微以載籍知其源
下士大笑莫名器本來丹篆夢未吞儼然白首一無
識庖木歌入大匠門可知神靈默呵護宰頽史滅名
同存謂當藏諸浮玉山屹然不許波濤掀吳揚江淮
共驚賂龍文赫奕千秋尊焦巖之鼎或伯仲此外有
者皆兒孫

題詠

天

先生博古雅好奇蟲書鳥篆搜軒義父乙之卣丁作

彝流傳金索蟠蛟螭

馮氏晏海著金石索載先生所藏古器甚夥

示我周

鼎光陸離誰其作者遂啓謨黃雲曠溫岐山陞耕毗
培視驚且嘻寶光燭天風胡知無翼而飛不脛馳飛
廉下觀蚩尤隨饕餮欲走頷躩踞龍文蜿蜒薤倒披
百卅四言日星垂惟周正月歲初基王格宣榭始受
釐詔謂祝史升丹墀冊命功臣宜爲辭博伐獫狁謀
帥師丕揚我武經四維錫女彤矢馬四驪朱黃鑿勒
兼鸞旗傳之子孫壽期頤想見周宣中興時大開明
堂朝四夷元老方召熊豹姿麾下桓桓皆虎貔須遂
四族本強支能殲齊戍無子遺先登敵愾固其宜何
哉姓氏遺雅詩岐陽石鼓多傳疑趨趨斷鬻識者誰
此鼎一出文在茲妙義補天功不訾大哉川嶽不自
私効珍修貢敷淳熙至寶信有神扶持徒鎮名山供
靈祇威伏猶狂驅蛟蛇浮玉峯巔高屢屢光芒夜照
雲海湄無專之鼎久孤羈得此匹偶良足怡江天名
勝增麗崎願千萬禩長留貽扣槃爲公歌此詞口角
流沫手生胝湯盤禹鼎不可追望古遙集長嗟咨

黃釗

帝王古雅周宣最紀蹟載功尙彝器早傳石鼓出岐
陽北伐酬庸仍賴貝虢子白盤旣勒銘遂啓謀鼎復
留識識文字計百卅四帥師有工錫女遂東翁得自
岐山農攷字徵文審同異薄伐博伐訓釋精折首執
俟見辭義博雅嗜古今耆勲歐趙見聞無此備山名
浮玉鼎吉金寶不自私稱佛意君不見無專鼎亦周
宣物上下同流鎮山寺

題詠

罕

慶雲興耀金景熙八絃歌寶鼎歲壬寅春二月雲蓋
鬱寶鼎出寶鼎出岐山麓兩其耳三其足哆其口皤
其腹雲雷週一身饜餐瞪雙目土花斑剝苔紋綠中
有一百三十四字燦可讀宣王昔中興獫狁敢不庭
王曰咨啓謀欽哉汝徂征日照天王旂踴躍爰用兵
鍛乃戈矛礪鋒乃如獵如虎如雷霆折首六百俟五
十師旋飲至膚功成惟十有三年正月丁亥吉王格
於宣榭令史減載筆侑祝受冊臣入門中廷立王曰
啓謀嘉乃績惟茲賴貝其央錫乘馬彤矢加赤芾朱
黃鸞旂暨攸勒鼎銘煌煌廟翼翼子孫永寶年萬億

題詠

聖

臣啓謀拜稽首臣戴天恩感不朽閱世既多歷年久
空山夜夜鬼神守寶光上燭射牛斗蛟螭起舞飛廉
走吉金詎識榮湯農得寶高歌漢陽叟古色重摩娑
真氣驚戶牖詩歌卓犖追韓蘇箋註精詳辨蝌蚪東
山別墅方圍棋忽聞兒輩平西夷酬庸列爵班五等
方叔吉甫歌同時先生長君崑臣中丞與徐仲升制軍同以平夷功封爵豐功
偉烈映先後乃知此鼎之出天若有意符昌期預爲
名世啓瑞應布昭

聖武揚天盛先生在德不在鼎移置金山最高頂蹤
蹟潛藏魑魅驚波濤鎮伏鯨鯢靜河山帶礪表殊勛
君恩罔替長江永膝前侍膳賢中丞重持節鉞臨清

英羽書昨已奏大捷

溫詔褒寵馳威名佇見旂常再紀績行看鼎鼐資調

羹天厨時

賜上方食五鼎列養娛椿庭

題詠

望

張祥河

周宣中興日北伐勞王師前帥師者尹吉甫後帥師者遂啓謀酬庸作器寶鼎見饜餐雷篆光離奇格于宣榭廷侑祝史減冊命詳銘辭葉公得之老農手榮湯村在岐山眉由陝輦京已千里喜捨浮玉不敢私焦山在昔藏周鼎金山有此當鼓旗觥觥神物豈終闕江天錯采驚蛟螭昨來渡江上焦麓伏波銅鼓自粵移供諸佛座菩薩笑定陶諸葛相鱗比與公斯舉實同志遂忘謏陋而爲詩

題詠

聖

方廷瑚

昔賢喻寘器必辨危與安寘危則器毀寘安斯器完
矧茲遂氏鼎珍重逾琅玕世歷三千禩媿禹鼎湯盤
方其制作初拜荷君恩寬錫金鑄宗彝饗饗夔龍蟠
直如天廟器骨重神俱寒閱歷人代多流落薶荒巒
顯晦固有時賞識良歎難先生今歐趙金石結古驩
眼明皎如月心賞饑忘餐平安高館成鼎乎來登壇
不願祕清祕一已樂且般不令入五都徒供熱客觀
拂拭愜私衷位置籌更端謂惟金山高大江周漫漫
上有玉帶留寶氣鎮洪瀾下有瘞鶴銘石古青磐磐
穿窬既絕蹟水火永不干寘鼎必於斯安安無摧殘
拓銘來徵詩我媿智力殫信筆成此什姑作彈詞看

題詠

器

姚晏

我昔讀周詩獫狁亂天紀匪茹而整居侵至極其詭
吉甫鎬歸來六月詠譟起假廟應有辭彝鼎廢者幾
漢陽呂薛儔得器色翡翠雲雷與饗餐巧作奪工鬼
銘詞百卅四連聚競蠶尾遂氏吾之族啓期榮生擬
終彼薄伐事十年方乃已證古字字覈七言同寄綺
岐碣等宣王吉日戎行啓卻視芮陰釋盡得倍可喜
居易錄芮城陰氏得古鼎凡七十一字陳蟄伏本陸
子文譯得五十二字孔東塘得六十九字蟄伏本陸
沈出世聊郟徙陶陵得偕永古寺空王禮陶陵鼎儀
徵相國置
山焦放棹去金焦摩挲日淹暑

題詠

四

遂啓謀鼎年月日攷

鄭復光

歸安姚文僖公

文田

學古錄有夏殷麻章蒦合表言

夏麻本卽顓頊麻湯作殷麻而周人因之某蒦某章當在某年非表不明故作此表並載帝王世次自周赧王以前用竹書爲本加脫少十六年秦昭襄以後參證史記諸書至漢高帝止以推詩書春秋經傳皆瞭如指掌夏麻起甲寅有一蒦立成表殷麻起甲子無立成表外有求元旦表夏殷麻各一蒦其積日最少者三百五十四日最多者三百八十四日多三十日者其年有閏也後附載推算各條吉日庚午爲宣王九年用夏麻庚申蒦而魯僖公五年日南至用殷麻癸酉蒦不應兩岐其法意攷古期于合經旣無的據不得不旁搜一二明證庶幾一合故不嫌于兩法異同以俟折衷勝于空談臆斷爾友人羅茗香士琳精于麻算嘗攷焦山無專鼎銘九月旣望爲宣王十六年己丑九月十七日阮相國芸臺師嘆爲精確嗣後出毓季子白盤銘曰佳十又二年正月初吉丁亥友人張石洲穆以羅君法攷之亦爲宣王時物丁亥是正月三日其術據李淳風五經算術注頃寓平安館葉東卿封公新得一鼎出以見示銘曰佳十又三年正月初吉丁亥云云後毓盤一年事一功同且博伐獮狁尤爲宣王時物確據若以羅君術推之十三

題詠

一

年當歲次丙戌與此鼎紀日不合緣羅君本史記紀年也姚氏學古錄本竹書較史記及諸書每先一年則十二年當歲次甲申而十三年乃爲乙酉紀年既據學古錄因以其術核算宣王十三年乙酉減一年爲十二年甲申查章蒦表得殷厯入甲午蒦四十九年爲第三章

癸丑章

丑

十一年查積日表

卽元且表

得四十一

十六以癸丑六十除之餘五十六日盡已酉是年積三百八十四日當有閏假令閏應在前加三十日得盡已卯爲除夕次日爲周正建子月庚辰朔是正月八日丁亥也令閏應在後減卅日得盡戊寅爲除夕次日爲周正建子月己卯朔是正月九日丁亥也更

題詠

二

據其術推號盤十二年甲申歲減一年爲十一年癸未查章蒦表得殷厯入甲午蒦三章

癸丑

十年查積日

表得三千六百卅二以癸丑六十除之餘三十二日是年積三百五十四日無閏盡甲申爲除夕次日爲周正建子月乙酉朔是正月三日丁亥然則盤與鼎俱符合無訛矣惟無專鼎有月及望而無年羅君推爲宣王十六年己丑九月十七日甲戌若據學古錄每先一年卽當下移一年爲十七年己丑固無不可與所推九月十七日甲戌自不乖戾若亦以學古錄術核算則置十六年戊子減一年爲十五年丁亥查章蒦表得殷厯入甲午蒦三章

癸丑

十四年查積日表

得五千一百九以癸丑六十除之餘九日盡壬戌爲
除夕次日爲正月朔癸亥大小月相閒推得二月朔
壬辰三月朔壬戌四月朔辛卯五月朔辛酉六月朔
庚寅七月朔庚申八月朔己丑九月朔己未下推至
十五日望則甲戌在十六十六日望則甲戌卽在本
日雖是年積三百八十四日當有閏若閏應在周正
以前固不必加若應在九月以後亦毋庸減可勿論
矣因并識之

遂啓謀鼎年月日考

羅士琳

陝省新出遂啓謀鼎一其銘有惟王十有三年正月丁亥初吉文吾友鄭子澣香據竹書紀年用顓頊術推爲周宣王十三年正月八日張子石洲以所推郵寄示予予以爲正月八日是已特其中不能無疑請申其說案竹書乃僞書非信史史記十二諸侯年表起共和始列甲子周宣在共和後十餘年更歷百年入春秋以次皆斑斑可考故唐李淳風五經筭術據之以推魯僖五年日南至今鄭據竹書較史記計差一年卽與全部春秋相齟齬亦與五經筭術不合此一可疑也姚文僖公學古錄有春秋朔閏表二卷云

題詠

四

夏正承顓頊後實爲麻法之宗殷周雖改正朔其大法必不能變然細校之姚所用者非顓頊術實殷術也周至宣王已在中興之後夫周有周麻在後世雖六術並傳古麻而在當時則殷去周甚遠其麻已先天一二日似未可以先翰之成法驗改建之正朔此二可疑也爰以周術上元丁巳下距宣王十三年丙戌積二百七十五萬九千六百九算外推之得入甲午節四十九年以章月乘之如章法而一得積月六百六不盡一爲閏餘是年無閏以節日乘積月如節月而一得積日一萬七千八百九十五不盡六百五十四爲小餘以六十去積日餘十五爲大餘命起甲

午算外得宣王十三年丙戌周正建子月即正月爲已

酉朔是月無丁亥然則周麻不足據乎曰是不然考

宣王十二年閏餘十三應閏十一月更推得是年建

亥月大餘四十六小餘一百五十五命起甲午筭外

得宣王十二年乙酉十二月爲庚辰朔其丁亥乃月

之八日浸假其年失閏則是月之庚辰朔即差而爲

次年周正之建子月未可知也春秋之世閏凡婁失

襄公二十七年傳辰在申司麻過也再失閏矣哀公

十二年傳仲尼曰火伏而後蟄今火猶西流司麻過

也皆其明證幽平以前雖失閏不失閏無繇得考然

幸賴斯鼎或者藉資旁佐故曰正月八日是已

題詠

五

宣王十二年乙酉積月五百九十三不盡十三爲閏餘積日

萬七千五百一十一不盡七百四十七爲小餘

建子月即正月乙酉朔 小餘七百四十七

建丑月即二月乙卯朔 小餘三百六

建寅月即三月甲申朔 小餘八百五

建卯月即四月甲寅朔 小餘三百六十四

建辰月即五月癸未朔 小餘八百六十三

建巳月即六月癸丑朔 小餘四百二十二

建午月即七月壬午朔 小餘九百二十一

建未月即八月壬子朔 小餘四百八十

建申月即九月壬午朔 小餘三十九

建酉月

即十月

辛亥朔

小餘五百三十八

建戌月

即十一月

辛巳朔

小餘九十七

應閏月

設差為十二月

庚戌朔

小餘五百九十六

建亥月

承上月差則此月即為十二年正月

庚辰朔

小餘百五十五

抑有說焉當時或閏用夏正則必置在建子月之下果如是建亥月之庚辰朔自必移為十三年周正之正月其建子月之己酉朔遂移為閏月矣

題詠

六

遂啓謀鼎記

張穆

頃三四年閒陝西出大槃一大鼎一盤出鳳翔今歸陽湖徐君燮鈞鼎出岐山今歸漢陽葉東卿年丈二縣壤地相聯其器皆紀宣王北伐時事文詞亦畧同殆猶後世敕書語多相襲云穆於辛丑春得見虢盤拓本曾作跋尾據李淳風五經算術注推得宣王十二年正月初吉丁亥爲周正建子月之初三日此鼎之作後盤一年亦正月丁亥鄭君浣香本姚文僖術推得當爲月之初八日也兩器皆有薄伐嚴允于洛之陽之文與詩云至于太原者不同案太原之非今陽曲金仁山已知疑之亭林百詩東樵遞相綜覈其

題詠

七

義愈明然顧胡謂太原卽北魏原州今固原州地而百詩又疑之曰秦中地以原名者不可勝數不能确指何地則仍無定論也今據此兩器皆曰于洛之陽班志洛水出北地歸德北蠻夷中括地志洛水出慶州洛源縣白於山山在今慶陽府合水縣北二十里洛水出山東北流經唐洛源城而東南流至洛川縣南中部縣北東與沮水合自是以後洛兼沮稱不名洛矣以地望診之寇之來也至于涇陽蓋及今平涼鎮原之界而止周之禦寇也于洛之陽蓋駐軍今合水安化二縣竟王師敵壘相距在百里內其地廣平卽詩所謂太原矣顧閻諸君之論以此鼎及盤證之

義始大明徐君攜盤南歸求拓者麇至然終無以厭
耆古之望也丈則不惟不私爲己有且將載置金山
之上與柯氏無專並峙於江波咫尺之間何其達歟
吾知將來必有好事者圖寫之詠影之爲浮玉生色
不僅東坡一帶永鎮山門也

題詠

八

洛陽攷

陳 澧

銘云博伐獫狁于洛之陽按水北為陽

山南為陽北為陰水南為陰

北為陽穀梁范注云日之所照曰陽蓋山南受日光而影在北水南有岸影而北受光故其名如此也

洛水之北今陝西靖邊保安二縣地也博伐獫狁之

文與六月詩同此當與尹吉甫伐獫狁同一役詩云

至于大原毛鄭不詳其地後儒之說亦未確以此銘

證之蓋即洛水之北矣詩言獫狁之來侵云至于涇

陽鄭箋云涇水之北為今陝西涇陽淳化三水諸縣

地獫狁至此周師伐之獫狁敗歸於是追數百里至

靖邊保安二縣地乃還獫狁由此北入河套則出徼

外矣故毛傳云遂出之也得此銘與詩合而觀之獫

狁南侵則至涇陽周師北伐則至洛陽當時用兵之

地歷歷可指其有關於詩義甚大洵可寶也

澧謂詩之大原即此銘之洛陽者酈道元汾水注引

春秋說題辭云高平曰太原

禹貢偽孔傳同

又引尚書大傳

云大而高平者謂之大原按尚書禹貢之太原公羊

穀梁春秋及左傳之大原皆今山西太原府地其地

南則汾水南流北則棗乾北流東則潯沱東流西則

六澗河嵐漪河蔚汾河西流水勢分流地勢甚高故

謂之大原也此銘之洛陽今陝西靖邊保安二縣地

其地南則洛水南流北則通哈拉克河北流東則青

澗河濯筋河東流西則惠安堡河西流其水勢分流

地勢之高與山西太原正同故亦謂之大原也得此
銘而詩之大原可考且洛陽大原同一地則啓謀伐
玃狁必與尹吉甫同一役而先生謂吉甫帥師伐玃
狁啓謀亦當爲帥師之臣益信矣并以質之先生

題詠

十

道光壬寅春二月陝西岐山縣民耕地得周宣王時
 鼎銘曰經維四方博伐玁狁於洛之陽相刊折首六
 百執倭五十是以先行按小雅六月紀尹吉甫之北
 伐云元戎十乘以先啓行而不詳其人據此鼎銘則
 遂啓謀也然詩言玁狁侵鎬及方至於涇陽吉甫薄
 伐至於大原與此鼎銘所稱洛陽異地考漢書匈奴
 傳武王伐紂逐戎夷洛涇之北然則涇陽有戎患洛
 陽亦有之顧祖禹方輿紀要涇陽秦邑蓋本周地名
 距周京百里而近吉甫逐之至於大原者鎬之原涇
 水之所出逕涇陽縣入渭詩曰來歸自鎬我行永久

題詠

七

蓋逐北千里而遙矣

漢書陳湯傳劉向疏云千里之鎬猶以為遠

是為正

兵當是時玁狁方盛疆雖吉甫宣勞然非扼吭擣虜
 形格勢禁則逐之不易王命遂啓謀率元戎伐於洛
 之陽攻其不虞折首執倭玁狁回救功用克成是為
 奇兵洛水出今靖邊南界至朝邑入渭今人河明成化間所改道也
 距周京六百餘里功亦甚偉而詩人唯以先啓行
 一語括之不特啓謀之名泯滅無聞即吉甫謀畫亦
 不明顯得此鼎銘合觀之而後兩路行師一正一奇
 情事了然如見其裨於詩義非淺眇矣東卿先生寄
 摹本命題爰攷於詩以著其異同之故用見王師未
 嘗不賢多算云爾

遂啓謀鼎圖釋書後

李光彥

右周遂啓謀鼎迺宣王北伐獫狁其臣遂啓謀旌伐所作也道光壬寅岐人堡土得之歸于東卿先生繪圖撰釋都人士咸作詩文以聲其事戊申喆嗣崑臣大前輩由粵藩擢中丞先生就養來南道出金山因昇寘焉成夙志也已酉暎夷煽亂欲入粵城寄孥禍且叵測粵人無小無大訟言旅拒中丞與制軍靖侯徐公因民之欲團結義勇人自爲戰戶自爲守環圍伏險不待徵發而十萬之師立具由是絕其互市重門洞開山苞川流不測不克暎夷力屈技窮讐伏聽命

題詠

十三

聖心嘉悅蒲穀酬庸世襲罔替是舉也旋機轉柁實關天下之大局功特隆

恩特渥視遂啓謀以偏師致勝僅侈執俟折首之勞賴貝車馬之錫者相去其亦遠矣然黃菌將誕壽以慶雲吉事有祥幾必先見由磻璜鵠印例之卽謂天發神讖早於茲鼎示兆焉亦無不可特是古人銘器惟蘄子孫永寶用先生著古搜竒家藏金石甚富此鼎乃捨置金山何也或曰玉帶鎮山迄今留爲佳話物傳而人與俱傳也然無專之鼎藏弄焦山爲魏爲柯主名莫定物自物人自人傳不傳兩不相涉耳或又曰天下之寶當與天下共之施彼空門遏爭杜媚

而鼎可長保也夫白馬貯經之函達摩傳法之鉢人
天咸切護持亦歷久終毀而鼎於何有竊從奠鼎之
後推而論之而知鼎得金山而愈彰亦因先生而增
重今夫金陵一大都會也而金焦實爲捍門韓世忠
敗金人張世傑扼元師皆于此屯宿重兵誠東南之
咽喉江海之蕃蔽也數年前夷氛未息曾由鎮江抵
秦淮游奕于二山之間今則海靜江恬舳艫相望火
輪夾板之船無一闖入斯地者蓋自二公克蕞夷事
薄海內外胥靖鯨波粵之人感之卽天下之人亦罔
不賴之金山莊嚴華覲遨侶尤夥于夷務之顛未咸
目擊而耳熟焉而茲鼎適安厝其間吾知往來行人

題詠

三

由今溯昔卽景寓思覺水色天光雷文雲篆振觸焉
而動而多連亦引而愈出頌先生之泰祉益難忘中
丞之豐功可以興可以觀不止翫繹籀文摩挲古澤
而已故曰鼎得金山而愈彰也今夫雅詩之咏世功
也曰左之左之無不宜之右之右之無不有之美其
父德藝之全也又曰維其有之是以似之言子之賢
皆父所教也先生淵源仁孝提唱風雅殆所謂左宜
右有者嘆夷擾粵福曜賁臨默授方畧濟蹇康屯教
誨穀似聿有明徵夫留邑子嗟職治卑賤勤於農務
能使磽确生物其施澤於民甚微厥父子國亦錄錄
未有表見然且黎民懷德觀手植之麥麻企望來食

且由子而父愛從上推曲致慕戀之誠焉矧中丞爲社稷威寶重以先生之耆碩于斯山也媵斯鼎也嚴在上翼在下段爨黃耆眉象純魯體熊熊雲歆景吐告我太平飲歌歌舞萬葉蕤燕作鎮南土其誰不欽儀之而誰不愛護之乎裳華湑葉譽處慶章先生之名壽以莫不增茲鼎峙植浮玉其名其壽亦且傳之永永與山無極故曰鼎因先生而增重也

題詠

古

遂啓謀鼎考

王楚材

道光己酉之冬楚材試用於粵七閱月葉大中丞封翁東卿先生取拙箸世本集覽底稟觀之以楚材爲長於氏族之學者卽示以所得岐陽周遂啓謀鼎摹本而俾攷其氏族所由攷遂爲國名蓋以國爲氏者左昭三年傳晏子曰齊其爲陳氏矣箕伯直柄虞遂伯戲其相胡公大姬已在齊矣杜注四人皆陳氏之先昭八年傳史趙對晉侯曰自幕至於瞽瞍無違命舜重之以明德寘德於遂遂世守之及胡公不淫故周賜之姓使祀虞帝杜注遂舜後蓋殷之興存舜之後而封遂言舜德乃至於遂也是遂爲舜後成湯封之其曰虞遂者蓋由虞思之國而食封於遂也史陳杞世家索隱引宋忠云虞思之後箕伯直柄中衰殷湯封遂於陳以爲舜後其言封遂於陳若以遂爲名而其國曰陳則失之矣左襄二十五年傳昔虞闕父爲周陶正以服事我先王又云以元女大姬配胡公而封諸陳以備三恪杜注胡公闕父之子則封陳自胡公始而謂殷湯封遂於陳其失可知然攷三朝記云舜有禹代興乃遷邑姚姓於陳逸周書作俘解命伐靡集於陳似陳本舊國周滅之而封胡公以續之特以爲封遂於陳則不然耳且遂之爲國至春秋時尙存莊十三年齊人滅遂穀梁傳但以爲遂國也而

不言其所自出故鄭氏通志氏族畧謂周同姓國羅氏路史高辛紀下亦以遂爲姬國惟林堯叟則曰舜之後近世何義門讀書記復從而和之曰遂虞後也陳胡公遂之小宗齊人滅遂故纂齊者卽爲陳氏路史有虞紀遂世守之後爲齊所滅有遂氏須遂氏則未嘗不以遂爲舜後也左傳杜注遂在濟北蛇丘縣東北爲今山東兗州府寧陽縣北有遂鄉遂旣有國於濟北而是鼎歎識所云錫女賴貝遂啓謀者與吉甫方叔同爲宣王時征伐玁狁之功臣蓋其國在東土而其族固有爲臣於畿內者爾其名啓謀者何封翁以爲名與莊子榮啓期同是也莊子天瑞篇孔子

題詠

六

游於太山見榮啓期於廓之野列子說苑淮南子竝作榮啓期惟漢書古今人表中中作榮聲期顏師古云卽榮啓期今本家語依漢表作聲而注云宜爲啓則作啓者是高郵王氏謂因隸書啓字作啓形與聲近而譌而攷異以聲爲罄之譌者非也若啓謀之啓則正作啓無可異議說文言部謀从言其聲欺也後漢張衡傳回志榻來從立謀李賢注云謀或作謨謨亦謀也蓋謀爲本義而欺其旁義爾張衡西京賦云天啓其心人碁之謀謀字本與碁同啓碁啓謀亦古人連縣字故以爲名云又攷薛氏鐘鼎款識鄒子鐘萬年無謀眉壽無己王子吳鼎其眉壽無謀無謀卽

詩所云萬壽無期之無期孟姜匱其眉壽萬年永保
其身涇涇越越男女無碁碁从日與碁从月同古人
期嘗作碁則正作無期而與無謀通矣至於宰顛史
減積古齋鐘鼎款識寰盤宰顛右寰入門王呼史減
更可舉以爲證復何別據哉若其中年月日與太原
洛陽等地名則有鄭羅張陳諸文在故不具攷昔歲
乙巳丙午間楚材重校宋元學案成而何子貞太史
爲刻於都門報國寺右之顧祠且督劄鬪焉亭林春
秋祭都好古士少長咸集封翁每爲祭酒楚材固
聞其得周鼎未之獲觀今則鼎歸金山而猶得爲此
攷以附於諸君題詠之后不可謂非生平幸事也敢
備述之以復於封翁又有爲封翁告者遂氏爲罕姓
而實傳世於今漢綏和元年丞相司直琅邪遂義子
貢爲左馮翊此遂氏名義而字子貢者見鄧名世古
今姓氏書辯證吾浙鹿泉趙氏古今氏族雜證引皇
華紀聞異姓云雪屋紀談兩記異姓今道涂復得數
姓記之凡七十有一遂其一也不可見遂氏之尙有
人乎

金山寺藏鼎記

梅曾亮

吾老友葉東卿先生得古鼎於岐山之農徵文實事
定以爲周宣王時物其臣遂啓謀伐獫狁歸賜以酬
庸者也於是詩以張之寄置於丹徒之金山寺屬會
亮爲之記夫萬物所樂者成也久也自聖人不能違
之銘物必祝其壽子孫永寶用至莊周列禦寇之徒
一切齊得喪成虧浮屠氏興而其說加勝今以古人
欲世守之物而置之浮屠氏豈製是器之意哉曾亮
曰守之善者蓋莫有善於是也夫物之易失者以己
獨有之而人不與有之者也苟獨有是物而不使人
與有之雖有蓋世之威不足以持其後况守是物者

題詠

六

之爲吾人者哉然則孰能守之曰惟不自有者能守
之今浮屠氏之法其身之不自有而何有於居其居
之不自有而何有於所寄之物雖其重樓傑觀之地
途之人游焉莫能禦也雖其所甚寶貴之物途之人
觀焉莫之非也夫然故天下之忌有是物者皆釋然
曰彼且不能專之吾又烏容競之天下之欲有是物
者又釋然曰吾未嘗不與有之吾又烏容專之故曰
守之善者莫有善於是者也昔東坡以吳道子畫四
菩薩捨僧惟簡而曰吾不能常守是也故以捨子子
將何以守之此豈真慮其不能守也哉使慮之則亦
不捨之矣且惟簡之能守與否卽未可知而東坡以

一捨之故道子畫至今不亡則雖謂善守是物者莫如東坡可也此則先生之微意也



題詠

九

金山寺藏鼎續記

譚瑩

焦山之麓有漢定陶共王之鼎焉則我儀徵阮師相之所遺也金山之麓有周遂啓謀之鼎焉則又我東卿葉太夫子之所貽也夫有寶憲之功勳未妨保用如劉敞之珍惜且念烝嘗徒觀其永存佛界遍示人寰閱歷定過於羲軒護持終藉夫龍象贊皇家世豈虞慷慨而贈人海嶽生平誰俟儲藏而易宅申公銅滴古畫欲博而綦難紹節玉盤僉書宜歸而轉祕未聞寄郡便當傳家成虧信檀越之忘割捨殆英雄之事普鑒裁於廣眾虔供養於名山龍眠業已作圖坡老宛然留帶雲烟錄異香火緣同已足輝映後先流聞今古而不知其占吉兆叶休徵如師尙父之玉璜比忠孝侯之金印以視樂藹車輻王覽佩刀夏侯氏之帶鉤尹思貞之古戟池邊簫鼓樵所貂蟬汝南之符纈才名於子姓比干之策錫富貴於兒孫符瑞益彰矯誣誰屑斯鼎也紀周宣王之錫命偕尹吉甫以銘功弧矢專征尊彝並作宜言博伐同永久於太原實佐中興獨勳遺乎元老一十四行之古篆深刻細鑄二千餘載之吉金艷光揚烈能殲齊戍殆本強宗合補周詩何慙大武比之伐徐所賂定蜀之文蕭相國之紀功陸伯言之破備諒不侔矣定軍始鑄武侯之八陣尙存出土並時子白之一盤猶在雄名法物

夫豈偶然緬惟我太夫子藏鼎之歲實丁機宜搆豐
之後二年也越七載而我崑臣師巡撫粵東綏懷海
外陶公茂績與溫太真而並傳元齡善謀亦杜如晦
之能斷深沈不露反側自安李貞武原突厥長城令
狐整實瓜州義首馭戎嚴整法定本於英公屬郡著
聞服乃呼爲老子國威復振爭推二儒帥之功兵氣
全銷遠踰十萬師之力良算嘉謀如心遂意

聖天子賜之玉玦賚以金瓶御物上珍優錫顯贈特
署名於寶劍庶同味於戎鹽

國制以爲極恩軍功允宜超報猶然口伐端合首封
秩已晉乎三公階遂躋乎五等蒲壁特頒而延慶萊

題詠

三

衣仍著以承歡爛然翠羽之華合紀龍文之瑞顧名
思義詡英物之誕生崇德報功宜大烹而致養萬金
酬土極編瑤截貝而靡遺五鼎娛親萃龍勺雞彝而
迭送業太平之有象豈悠久之無徵且其移鎮於金
山也固南北之咽喉實華戎之門戶昔之風船火艦
獸面鳥言曾抵秣陵欲決洪澤茲乃帆檣如織刁斗
不驚海晏山明邇安遠肅豈必乘虛絕漠三城宛望
生降毅然持重安邊萬里全歸控制英國謀畧僅望
著於交州新建勛名獨威行於蠻峒錦帆閒寂銅柱
巍峩維我師之雋功亦吾鼎之先兆者歟瑩同荷生
全實深抃舞兼蒙拂拭益冀摩挲命紀事而陳詞喜

齊心而同願殆孔愉之龜印亦楊寶之雀環山與俱
傳鉅平之碑待勒寺煩相戀歷城之磬誰移收藏孰
似其達觀勛闕殆成爲佳話鐘魚一例志傳當書證
石鼓之傳疑或嘲諸老戢金戈而止殺早懺空王復
歷漢唐宋明永當千秋之鑑足禦魑魅魍魎居然九
牧之金轉笑無專曾入鈴山之第宅定爲元宰也同
太傅之年齡謹泚筆而續爲之記

題詠

三

